

TE AROHA O RANGI/NUI KIA PAPATUANUKU.

MO TE MARAMA O MAEHE ARA O TE RUA-O-TAKURUA O TE TAU 1923.

Ko Puangahari te whetu kei te arataki i te matao i te ua i te huka o tenei wa. Nga whakaaturanga a te marama mo nga pai me nga kino o cnei ra e 31. I waenganui o te 14 ki te 14 o nga ra he huka he ua. I waenganui o te 14 ki te 21 he huka he ua ano. I waenganui o te 21 ki te 28 he ua matao he huka.

(TE AHUA HE MARAMA MATAO HE NUI TE UA.)

1. **RATAPU.—TUA-RIMA MURI IHO O TE TOKOTORU.**
 2. **MANE.** Korekore-te-whiwhia.—He ra kino.
 3. **TUREI.** Korekore-te-rawea.—He ra kino.
 4. **WENEREI.** Korekore-hahani.—He ahua ngawari tenei ra.
 5. **TAITE.** Korekore-piri-ki-tangaroa.—I te ra poupou ki te ra to he pai.
 6. **PARAIRE.** Tangaroa-a-mua.—Ka kai te ika i tenei ra.
 7. **HATAREI.** Tangaroa-a-roto.—Ka kai te ika, he aho poupou tenei.
 8. **RATAPU.—TUA-ONO O TE TOKOTORU.**
 9. **MANE.** Otane.—Whakamatauria te tuna i tenei po.
 10. **TUREI.** Orongonui.—He ra pai tenei.
 11. **WENEREI.** Mauri.—Kua hinapouri inaianei. I te ata he pai.
 12. **TAITE.** Omutu.—He ra kino tenei.
 13. **PARAIRE.** Mutuwhehenua.—He ra kino rawa, kua mate te marama. He mataitai.
 14. **HATAREI.** Whiro.—Ka kohiti te marama, he ra kino. Tai pakihi i te ra poupou.
 15. **RATAPU.—TUA-WHITU O TE TOKOTORU.**
 16. **MANE.** Hoata.—He ra pai tenei kua kitea nuitia ake te marama. He mataitai.
 17. **TUREI.** Ouenuku.—Me whakahau te mahi, he poto te pai.
 18. **WENEREI.** Okoro.—I te ra poupou ki te ra to he pai.
 19. **TAITE.** Tamatea-ngana.—He ra kino kei te kaha rawa te au i te moana.
 20. **PARAIRE.** Tamatea-kai-ariki.—He ra ahua ngawari tenei.
 21. **HATAREI.** Huna.—Ka ngaro te kai i tenei ra.
 22. **RATAPU.—TUA-WARU O TE TOKOTORU.**
 23. **MANE.** Mauri.—I te ata ki te ahiahi he pai.
 24. **TUREI.** Mawhara.—Me pouraka te koura i tenei wa.
 25. **WENEREI.** Ohua.—He ra pai tonu tenei ki te pouraka.
 26. **TAITE.** Hotu.—Kua kaha te ngarungaru o te moana.
 27. **PARAIRE.** Atua.—He whakahaehae i te kai tenei ra. Kei tatahi te mataitai.
 28. **HATAREI.** Turu.—Pai tonu nga tai ata me nga tai ahiahi. Kei tatahi te kai.
 29. **RATAPU.—TUA-IWA O TE TOKOTORU.**
 30. **MANE.** Rakaumatohi.—He ra pai kua tohia te marama. He mataitai kei tatahi.
 31. **TUREI.** Takirau.—I te ata ki te ra poupou he pai.
- KIA MATAARA TATOU.**—Timata mai i te marama o Mei tae noa ki te mutunga o tenei marama e kiia ana koia tenei ko te wahanga o te hotoke, a ro taua wa tae mai ki tenei kei te whakaatu a Matariki i te ahuatanga mo te koanga tae noa ki te tau kei te heke iho, ara mo runga i te nui o te kai o te kai-kore ranei o te wa. Kei te whakaatu te whetu nei a Puangahori i te nui o te matao mo tenei marama. Whakaatatia Te Kahui o Tautoru, he aha ra te kupu!